

袁州府志卷之一

知袁州府事三韓李芳春

同知府事臨胸孫席慶仝修

理刑推官莆田鄭焯

進士郡人袁繼梓校訂

郡紀

袁首吳楚尾在江右土游厥稱望郡古今沿革載籍孔昭別疆正域稍叙往紀綜其終始冠於篇

袁州宜春郡禹貢揚州之域古荒服之國春秋時為吳

袁州府志  卷之一 一 乙

地戰國屬楚秦并天下置三十六郡為九江郡地漢

為豫章郡統縣十八宜春其一也按前漢地理志豫

而袁州古圖經乃云漢宣帝置非也長前漢地理志

注宜春南水東至新淦入湖宜春之名肇見於此後

漢因之吳寶鼎二年分豫章廬陵長沙立安成郡領

宜春新喻萍鄉三縣晉武帝太康元年皇太后諱春

改宜春為宜陽仍吳舊為安成郡增至七縣平都新

永新安福屬荊州惠帝即位又分桂陽武昌安成三

郡因江水之名立江州宋順帝時以縣大小定封爵

之差安成太守領縣七其二曰新喻侯相吳立其三曰

宜陽子相

漢舊縣

其六曰萍鄉侯相

吳立

豫章太守領縣

十二其十曰康樂侯相

吳立即今萬載縣

以上二郡皆屬江

州刺史南齊州郡與宋志同梁陳無所更易隋文帝開皇九年平陳之後有土人文盛者率衆以安成叛十年洪州都督楊武通討之十一年安成郡廢置袁州因山名也煬帝大業初改州爲郡依漢制置太守以司隸刺史相統治乃改袁州曰宜春郡領縣三宜春萍鄉新喻隋末羣盜起林上弘據江南稱帝宜春

袁州府志

卷之一

二

郡附焉後蕭銑破豫章宜春復爲銑有銑敗張善安遂據以歸唐善安卒爲李大亮所執江表始定高祖改郡爲州太守爲刺史又置都督府以治之復置袁州領縣三太宗元年分天下爲十道袁屬江南道玄宗開元二十一年置十五採訪使分道檢察如漢刺史袁屬江西天寶元年改爲宜春郡軋元元年復爲袁州五代時僞吳楊氏僞唐李氏竊據中間雖彭彥章附危全諷劉崇景附馬殷皆不能有其地至宋開寶八年曹彬平江南得州十九袁居其一是年割筠

消□□來屬雍熙元□□宜春縣神龍等一十鄉立
爲分宜縣共領縣五淳化三年割新喻縣屬臨江軍
領縣四宜春分宜萍鄉萬載元改州爲路路設達魯花赤隸江
西行省立錄事司縣仍舊元貞元年陞萍鄉縣爲州
仍隸本路至正十二年蘄黃寇起徐壽輝將歐祥陷
袁州據而守之壬寅春明兵平江西祥遣子納欵甲
辰七月以袁州路爲袁州府除錄事司洪武二年降
萍鄉州爲縣仍領縣四隸江西布政司道曰湖西道
置袁州衛

袁州府志

卷之一

三

國朝順治二年內附置如明舊立袁協鎮一兵千名
戍守焉

縣紀

宜春縣附府城

古爲望縣

舊圖經云縣側有泉夏冷□煖

瑩媚如春飲之宜人故名宜春西漢縣名宜春者
二一屬汝南一屬豫章至後漢時屬汝南者謂之
北宜春所以別也武帝封長沙定王子成爲宜春
郡侯即此地按王子侯表詔諸侯王有欲分子弟
邑者朕且臨定其名號是諸□□分國以封其子

而天子特正其名耳宜春侯成爲長沙王子是□
春舊屬長沙自成就封始爲侯國及其國除始屬
豫章班固地理志蓋據元始中言之爾王莽改曰
修曉而後漢復之晉孝武改曰宜陽而隋復之此
縣在漢屬豫章郡在吳屬安成郡隋唐遂建以爲
州故迄今爲太守治所大業三年州廢乃移縣治
於州東七里唐分縣爲上中下三等宜春爲上縣
其後移徙不常宋以後俱仍舊 國朝因之八隅
十四鄉編戶一百五十里

袁州府志

卷之一

四

分宜縣在府城東八十里

古爲望縣

舊宜春之安仁鎮宋

雍熙元年析宜春之神龍招贄豐樂化全儒林彰
善挺秀文標旌儒清教十鄉增置是縣以其地分
自宜春故曰分宜今三廂十鄉三十五都編戶一
百八里

萍鄉縣在府城西一百四十里

古爲望縣

本漢豫章郡宜

春縣北吳寶鼎二年置萍鄉縣屬安成郡晉宋齊
因之隋屬宜春郡唐屬袁州爲上縣宋因之地理
志以萍爲苹其義一也按季宗諤圖經云楚昭王

渡江獲萍實於此因名今縣西有楚昭王廟北有楚王臺萍實里接醴陵孫境有香水渡即其所也元元貞元年陞爲萍鄉州至正壬辰歐祥由湖南來寇袁州守臣別速堅遣萬戶李陽奕劉原住等禦戰不勝州陷甲午湖南官軍吳天保以所部答刺軍克復州治未幾復爲祥所陷壬寅歸附明洪武二年改州爲縣 國朝因之三隅七鄉編戶一百三十里

萬載縣在府城北九十里

古爲望縣

本陽樂縣地吳孫權

袁州府志

卷之一

五

黃武中置晉太康元年改爲康樂屬豫章郡宋因之爲侯相

見宋書州郡志

謝靈運襲封康樂公即此地也

後廢唐武德五年復置陽樂縣屬靖州八年州廢省入高安五代僞吳順義元年分高安四鄉置萬載縣南唐保人十年陞高安爲筠州遂以萬載爲筠屬邑宋開寶八年割隸袁州宣和初改曰建城紹興初復舊名元明仍舊 國朝因之二隅二十四都編戶一百四里

分野

吳地斗分野西漢地理志地

斗五衡第六星主揚州東漢天文志注

斗十度至女五度為星紀於辰在丑吳越分野費直云

斗六度至須女二度謂之星紀吳越分野蔡邕云

豫章入斗十度州郡躔次

南斗牽牛星紀之次唐一衡云

天市垣二十二星東南各列十一星其東垣南第

六星曰吳越宋志

斗四度三十六分六十六秒外入吳越分星紀之

袁州府志 卷之一 六

次元史

形勝

本府宜春附

秀水東奔萍川西注唐袁皓詩秀水東奔彭蠡浪萍川西注洞庭波翠壘

羣峯回環千里李山問賦仰枕吳頭壓楚尾同江山多

勝韓愈詩山水秀麗寰宇記江石奧區輿地紀勝屏蔽江淮

襟帶湖湘阮闕郡城記城郭井邑在迤邐衆山之間如

圖畫屏障祖無擇慶豐堂記

五臺三峽羣女書備數三五峽牛欄昌化成鍾山岡

分宜

昌山層巒疊翠袁水西來折山麓觸石潏盪瀉出石碖之間下爲秀江清源澄澈縈迴縣前東有鍾山僊臺二山對峙下塹水口縣北袁嶺七峯筆卓水南鈴岡列嶂屏橫四山周合宛若城圍縣治瀕水形如簾狀蔣之奇詩分得宜春地東偏一畫屏

舊志

萍鄉

祖楊岐山之脉蜿蜒起伏若飛鳳展翼之狀邑尹

袁州府志

卷之一

七

鄭強鑿二池以象鳳目北則楚王臺屹立東則羅霄山昂聳迎鳳嶺峙於南金魚州塞於西

舊志

萬載

東接上高西控衡湘南距宜春北抵分寧石洞白沙二水自東南合流以襟帶於左金鍾王居洞諸水自西北合流以環抱於後鷺峯鶴嶺屹峙乎左右月毫紫蓋奠枕乎前後

舊志

疆域

府境東西二百九十里

南北袤二百一十里

方一千三百里水路屈曲六百六十四里

東至臨江府新喻縣界 一百五十里

西至長沙府醴陵縣界 一百九十里

南至吉安府安福縣界 六十里

北至瑞州府上高縣界 一百五十里

東至臨江府 二百五十里

西至湖廣長沙府 四百一十里

南至吉安府 二百四十里

袁州府志

卷之一

八

北至瑞州府 二百九十里

東南至吉安府廬陵縣 一百二十里

東北至瑞州府新昌縣 一百五十里

西南至長沙府攸縣 二百五十里

西北至長沙府瀏陽縣 一百六十里

自府治秀江驛至江南江寧府二十一驛計二千

六百三十里

盛京會同館六十八驛計六千七十里

宜春縣境東西九十里南北一百二十五里

東至分宜縣界四十里以合山爲界自界至分宜縣四十里

西至萍鄉縣界五十里以黃廟堂爲界自界至萍鄉縣九十里

南至吉安府安福縣界六十里以洞富嶺爲界自界至安福縣六十里

北至萬載縣界六十五里以亂石爲界自界至萬載縣十五里

東南至分宜縣界五十五里以嚴塘嶺爲界自界

袁州府志

卷之一

九

至分宜縣五十里

西南至吉安府安福縣界六十里以雙田爲界自界至安福縣二十里

東北至萬載縣界八十里以東山爲界自界至萬載縣一十五里

西北至萍鄉縣界一百二十里以桐木嶺爲界自界至萍鄉縣一百三十里

分宜縣東西六十里南北一百五十五里

東至臨江府新喻縣界二十里以鍾山爲界自界

至新喻縣五十里

西至宜春縣界四十里以冰江橋爲界自界至宜春縣四十里

南至吉安府安福縣界五十里以石分驛爲界自界至安福縣五十里

北至瑞州府上高縣界一百五里以梅山爲界自界至上高縣三十五里

東南至吉安府廬陵縣界五十里以新屯嶺爲界自界至廬陵縣一百五十里

袁州府志

卷之一

十

南至吉安府安福縣界一百里以澗富嶺爲界自界至安福縣六十里

東北至臨江府新喻縣界一百里以櫟頭山爲界自界至新喻縣八十里

西北至宜春縣界九十里以梁觀村爲界自界至宜春縣六十里

萍鄉縣東西一百五十五里南北一百八十里

東至宜春縣界九十里自界至宜春縣五十里

西至長沙府醴陵縣界六十五里自界至醴陵縣

二十五里

南至吉安府安福縣界八十里自界至安福縣三百二十里

北至宜春縣界一百五十里自界至宜春縣六十里

東南至吉安府安福縣界一百一十里以馬腕石爲界自界至安福縣一百八十里

西南至長沙府攸縣界一百一十里以雙塘爲界自界至攸縣一百六十里

袁州府志

卷之一

十一

東北至宜春縣界九十里以坑頭嶺爲界自界至宜春縣九十里

西北至長沙府醴陵縣界六十里以踏田爲界自界至醴陵縣三十里

萬載縣東西一百四十五里南北二百里

東至瑞州府上高縣界一十五里以櫟頭山爲界自界至上高縣九十里

西至長沙府瀏陽縣界一百三十里以棧樹嶺爲界自瀏陽縣一百二十里

南至宜春縣界十五里以甘泉市爲界自界至宜春縣六十五里

北至南昌府分寧縣界一百八十里以穀皮嶺爲界自界至分寧縣一百八十里

東南至分宜縣界十五里以石灰嶺爲界自界至分宜縣一百一十四里

西南至宜春縣界九十里以千秋嶺爲界自界至宜春縣九十里

東北至瑞州府新昌縣界五十里以連香嶺爲界

袁州府志

卷之一

十二

自界新昌縣五十里

西北至長沙府瀏陽縣界一百二十里以峯子嶺爲界自界至長沙府一百二十里

風欲

江南火耕水耨食魚與稻以漁獵爲業雖無蓄積亦無饑餒其俗信巫鬼好淫祀君子善居室小人

勤耕稼

隋地理志

山高水清好尚儒雅有豪傑之上

羅秀

序

藝文儒術爲盛

杜氏通典

事簡民醇

與地志

風土爽塏

山川特秀家給人足多尚黃老清淨之孝重於隱

遁有徐孺子遺風與隆興吉州同寰宇記賦稅及時

閭里無事韓愈表士俗愿樸汪應辰序士夫秀而文細民

儉而健黃庭堅賦士力學知廉恥民樂耕好儉嗇阮閱

無訟堂記儒風之盛甲於江右張九成記袁袁嚚者善訟以

誣良善為奇能悍者悖公以拒賦稅為得計至於

今刁梗之風雖戢非僻之心猶在富歲多賴不欲

止竊或者烝烝嚮化與江淮記